



祥符縣志



DS
796
K35H73
1739
v.11



參差兮堂下陳清醕兮肴芳絙琴瑟兮代舞君歸
來兮佩陸離撫長劒兮把瓊枝右我俎兮皇皇恍
若見兮委蛇聊弭節兮偃蹇君欣欣兮孔娛暮雲
兮霽霽回風兮泠泠天門闕兮君旋駕赤虬兮雙
旌山有崖兮河有洲心思君兮君不留祀不貳兮
我享惠我民兮故邱

西關記

張同德

大梁爲中原上腴北咽神京南控八省商車市舶
鱗次而西至於大梁門外聯輻接輳旅邸櫛比關

外舊建重城置四門居然一都會也郡城故宏下
瀦水爲澤國一遇雨潦積水無所滲洩行者曳足
泥淖中萬歷癸卯連雨數月稼穡亡所收米價騰
貴郡邑學舍衙宇皆壞五關城垣瓦石剝落自城
濠直抵土堤水深丈許車馬不得通行者以舟郡
西迎恩門毀其郭明年大饑加以疾疫流殣載道
岌岌乎無民會藩臬郡邑之長皆入覲督學使者
新都左海吳公守臬司篆深念國家設守土之臣
職在修葺城池保息士民今殣孳窳移里舍相率

說矣七國之役文帝使告亞夫救梁亞夫不奉詔
然吾謂亞夫不奉詔乃正善於奉詔耳何也其不
救梁而絕吳楚饗道洵善於救梁之策且亞夫兩
朝宿將將吏畏服莫敢間言故得從容以成其功
抑詔固移軍非班師也若文帝赦七國罪令亞夫
班師亞夫敢不奉詔與諸葛武侯又嘗引此說矣
五丈原之役司馬懿欲戰辛毗仗節立軍門不許
懿不敢出武侯曰彼本無戰心將在外君命有所
不受也蓋武侯特用以激懿仍遺巾幘之術耳然

此舉終以辛毘爲正以司馬懿爲智雖奸雄之尤
何嘗不挾君命以鎮衆心乎是則將在外君命有
所不受斯言也固不得輕以藉口也明矣且就公
之事勢而斷之則又萬萬有所不可者內有好臣
之嫉外多同列之忌茫茫四顧無虬蟬蟻子之援
公固可謂孤立無助矣特以忠勇之氣鼓勵戲下
設一旦違命北渡跡涉可疑彼賊憎且擱然得計
強坐以謀反之律榜其罪於朝廷暴其事於天下
鍛鍊文致公將何以自明腹心之旅卽不疑公而

國門之公漚爲洪流域俾壞而不治荒政廢而不
舉伊誰之咎夫濟大事者藉人力動大衆者占天
時時疹未息民力何有乃飭境內已責緩征平糶
施賑畫地設粥塲以舖餓人鄉正監之公曰周視
其地全活者幾千萬人命官置局廣施醫藥病者
賴有瘳旣民有起色免於溝壑而麥秋未登公憂
枵腹之民何以繼也乃下令曰時之不易患在無
民民之旣戾患在無政我有征繕非以厲下也收
待餉者以佚道使之上賦其庸下食其力不亦便

乎四境內外莫不驩然匍匐而往受事公乃鳩工聚材百廢具舉始飭郡邑學宮廟廡堂舍達於橋門撤腐易新丹堊黼藻璧水旣以改觀修橋梁塞潦水五關之外巨壑填爲馳道行者舍舟筏而車馬無徒涉之憂乘城治陴葺五門之殘缺者西關迎恩門樓櫓俱壞則舉而更新之築廬起頽甃甃孔堅麗譙干雲雉趾炫日屹屹言言足以肅觀望而樹保障考卜於某月之吉越三月而竣事聞其經費則奉入之羨也學宮之費則積也

程事則身爲植日爲省也工中程材中度餽稱事
吏胥不得牟邑里無所擾政之善經哉夫補助興
發除道繕城先王之明訓具在菜色盈野移粟何
爲枉梁失政乘輿奚補非所以廣德施而示蕩平
之路也從政者避事而畏議兢兢自守世務民器
貌不相屬夫且爲遽廬夫且爲秦越何軫念之與
有乃若飾文具而圖一切責成者緩受事者祿上
議賑施而澤不下究上議經營下不過堇堇塗墍
以報成事欲攷實功而布實惠難矣吳公處官如

家視民如子其所勤事憂民者不難以身先之故
義激子來功成不日起磬磬者莫不含哺屬厭惠
不費而勞不怨卒以集事而得人和中土子遺之
餘息公實有大造焉公爲當代山斗秉憲衡文一
以真心實學倡多士士皆斌斌鄉化乃其蒿目利
弊存恤民隱計畫周詳而勤施不倦也又彰彰如
是譽髦有造則敬敷之規也勞來拊循則芾棠之
遺也佚道使民悅以忘勞則芻豢之思也秉心垂
淵靡事不舉公之隆施不亦溥乎郡邑鄉約耆民

方...聚族而謀碑欲以紀事頌德則抵張子同
...記焉張子曰唯唯公之永賴在荒度公之仁
恩在生齒周道坦坦履且視焉奚取邱里之言出
而賦正入保王躬山甫城齊之役烝民具矣公行
當...台衡而綜庶績柔惠萬邦何止吾土得受明
賜諸鄉耆復進曰匪徃曷程匪載曷徵願假言於
子大夫而托不朽也張子敢不敬諾遂籍之而勒
諸都亭之石

岳忠武王廟記

張同德

城南朱僊鎮舊有宋岳忠武王廟創建於成化戊戌恢拓於正德己巳迨隆慶庚午迄萬歷丙子亦重新之今又三十餘年歲久敝矣廟巋然在而弗堅也弗飭也邑侯王公謁王廟仰而嘆曰斯非王駐師地耶挽牛車載糧糗焚香以迎義軍者今非其遺黎耶王之功惟朱僊鎮爲大其神固世世在也廟胡可弗修也乃捐羨鍰庀物材程工鳩役補其缺漏而煥以丹堊經始於某月越某月而竣事乃移書同德命碑焉自古佐命宣力定傾救亂之

臣固未嘗稱之未必人人廟也卽廟矣亦未以人
人思也而歆廟王過王廟者無弗謁王又皆肅然
敬愴然悲也何以得此也人臣遭時遇主身名俱
泰得以究其所施而不負其志功加天下世與之
忘焉無論其遠卽三代以下如蕭曹賈鄧房杜李
韓范諸臣學士大夫類能言之而詢之里人牧
有識其姓字者乎國有虎臣社稷之衛也上蔽
於昏主中制於權奸矯詔班師且隕其軀功隳身
戮爲千古遺憾此志士之所憤而士人之所思也

祥符縣志

卷十八

記

三

奚弗廟也禍莫憐於君辱國蹙策莫失於和戎忘
戰存亡判於呼吸而國勢懸之旦夕者也王志存
恢復力排和議身經百戰所向成功至鄆城潁昌
之捷敵將授首進軍朱僊以少摧衆彼國號令幾
不行於河北磁相開德澤潞晉絳汾隰之兵將計
日來會敵之部將亦且惛息而率衆內附矣此時
王進則敵退王退則敵進固事之間不容髮而闔
外專制之義王豈不能辯此使不受詔而終濟師
中原迎二帝掃陵寢歸朝待命宜無不可

班師也蓋勢之不得不歸也王不足以制檜而爲檜制不受詔而冒不順之名檜必使代之將而奪之兵王何以自處亦何辭於天下又非歎義不順也卽不班師亦未必其成功何也王固萬人敵兩河雖響應而當時張韓王劉諸將各分要地犄角相援足以分金人之力而懾其氣今諸將皆奉詔退矣女直重兵尙厚集於燕雲之北而未撤也王以孤軍抗強敵深入而無援敵將悉其全師萃於我勝負之機未可保也奈何咎王之班師也賢人

君子不悲其身之死而憂其國之顛覆智炳幾先
哲遵時晦宋高之怯懦不足恃也王知之也檜之
通敵悞國欲扣而不欲戰也王知之也敵幾遁而
詔之班師是必不欲王之成功也王知之也假令
金牌班師之後力解篋樞口不言兵如世忠在西
湖之上使檜不吾忌敵不吾疑王雖不任事而干
城金湯固隱然在也宗社有靈天心默牖倘敵人
敗盟而高宗悔禍檜惡方茂而天奪之年奮澠池
之翼收桑榆之功異或然之數而隱忍以圖後效

計未晚也迨廬濠淮西之役諸將皆觀望不敢進
王提兵入援金人望風遁去更以世忠搖扇之誣
語泄而中怒於檜是金人之所不得逞志於我者
歟以王在王在和議必不成檜何能一息不食
甘死於王也檜之謀與敵通俊之計與檜合羣小
附會鍛鍊王始不得免矣子玉死而晉再勝伍員
浮而越兵入道濟誅而拓跋肆人亡國瘁殷鑒豈
遠今敵患方棘無故而戮一大將使金人酌酒相
賀是以勝算予敵而自承其敝也夫死何足爲王

恫王死而敗其垂成之功宋事去矣實此之爲恨耳王何以死哉嗟嗟渭南之屯仲達困矣將星之隕誰則爲之朱僊之戰兀术敗矣金牌之召誰則促之天不祚漢而諸葛死天不祚宋而忠武死其有廢也誰能興之人謀雖臧無如命何顧求勝於天卽豪傑之士無以挽國運之阨迨天道還公論昭善善惡惡又不可以成敗論也人代興亡雲駛鳥逝丹心正氣雖死猶生王之死也歷世五百餘年無論權奸朽骨蕩爲飛塵卽宋之宮闕寢園亦

泐有日而小人輩迫於年恐見公無日也安得不
求一言列一名以爲思言未已而引子帶女者並
呱呱而前曰小人輩之子與女皆我公愛養之所
貽也悉我公旦夕去不復見公卽見公而童幼無
知當不能記憶公曩日者何以感公思公而望公
也安得不求一言列一名以爲思余於是欣然而
樂復愴然而悲曰賈公之得人心也有如是哉在
公之於泐也此者聞共城有章雍邱有碑衛
源陽有祠矣在公並非有私於共城雍邱衛源

也汴士民之所以思公者吾得而見之他邑之所以思公者吾不得而見之也汴士民之所以思公者其言之所已及吾得而聞之其言之所不能盡及吾不得而聞之也賈公之得人心也有如是哉卽吾豫志所載名宦且不多見矣余復爲之詞則諛耳是用直述其事以永諸石公諱漢復號膠侯山西之曲沃人其思者則書之碑陰而不能盡之碑陰

禹王臺創建

高夫何足責而特之夫婦也俊也島也祥也直犬
疑視之矣卒被惡名有以也夫王公諱復與山
鄆城縣人舉萬歷辛丑進士治邑善政不易更僕
乃其大要惟是宣明教化賞善革姦之爲兢兢簿
書之暇百廢俱舉岳廟之修也亦彰往詔來之一
端云同德旣爲之記乃系歌以侑王其辭曰桂殿
兮芝房森圓戟兮長廊闢天門兮顯赫駕飛龍兮

翱翔躡雲漢兮執招搖歷鄂渚兮撼胥濤覽相州
兮北渚尋故壘兮南郊羗若來兮河浦泝流澌兮
延佇神縹緲兮何歸望不見兮怨苦霓旌兮雲旗
挾威鳳兮騫文螭瑤席兮高張神之來兮風颼颼
陳桂醕兮殺蒸神何爲兮怨恫燕雲渺渺兮望龍
輿麥秀漸漸兮愴故宮剗檜腹兮嚙長舌俊爲戮
兮殪楫高神赫赫兮怒夷二帝憤兮可雪巫紛進
兮拜舞絙琴兮交鼓靈皇皇兮居歆陰罪罪兮堂
戶禮告成兮旨酒欣覓來御兮氣續紛雷勃前兮

雲爲殿廉先驅兮宜灑塵挾日月兮齊光
今若雨暘貽我民兮稷黍降豐年兮穰穰

役支記

王惟儉

夫古今之河患孔棘矣然未有窮四海之物力爭
勝於馮夷如吾世之煩費者也亦未有總一省之
征繕責辦於百里如吾邑之困累者也無論往歲
比者朱旰口之役公家之所徵求私室之所餽輸
幾當縣官歲入之半而悠悠之論尙有異同乎何
容易也昔宣防之築也下淇園之竹以爲楫故孝

武歌之謂寧長菱兮沉美玉河伯許兮薪不屬彼
其薪菱卽今所賦之稍草也當是時河決瓠子瓠
子今開州地也去淇二百里遙矣天子親沉嘉玉
良馬公卿從官躬負土薪可謂焦勞矣而材僅取
故有尙不能督之於一郡一邑也無乃以事之難
卒致而役之難獨累乎柰之何今以八郡六十餘
萬之稍草而獨辦之都會之一邑耶邑故額六萬
今十倍之矣甚矣哉變法之誤也始嘗試於萬一
之有利旋隱忍於利害之不償而終以大害始之

後人也蓋始之射利者賈徵逐之資操畚者賴
急之便若微見其利未幾歲匪恒稔弊漸旁滋卽
變法之人未轉轂而已立睹其害矣而業自誤之
不欲更也卒之官賦有頗物直益湧支納從奸監
守重累中人之資役不畢歲而家徒四壁立焉數
十年來苦累蕭索不知幾千百人故每一役之更
上之避之也若淵塹虎狼之不可嚮邇而官府
之請謁里胥之追呼亦不勝其擾焉會我邦君有
慨徃謬因力陳其不支之狀而當事者亦重念之

累議累駁累減文移之往來上下之叅訂凡七有
閱月而始竟其說以通融之於濱河之州縣因地
之腴瘠酌數之多寡西達陝號東盡梁宋賦凡四
十餘邑而茲邑稍草之存者止三萬矣以故額論
則以十年敵一年之役以今額論則以二十年敵
一年之役自是而茲邑之民其有瘳乎或曰邑都
之區也力饒而易舉地邇而取捷故也夫正惟其
都會也輪蹄之輻湊百凡仰給焉悉索敝賦不充
是懼而可復以諸郡之累累之乎且河自分陝坵

於莒身得無爲戮幸耳彼夫明珠願而昂
余不知何人要之皆亂賊之黨也平原有士如毛
遂毛公薛公者而不能用失計馮亭以挑秦禍幾
喪趙國之半賴信陵始得比於人數因入成事寧
獨士九人取譏哉信陵雖多客實無藉客何以明
其然也邯鄲之圍秦曰無趙矣秦將遣將以有魏
師而其入皆畏秦而信陵其父魏之獨子歸者
二萬人皆以偏師之衆入秦秦信陵出而
秦曰無秦矣信陵其父魏之獨子歸者

[illegible]

還魏而秦用金間罷將而魏輕身沒而魏隨亡魏
王畏之怒之再以毀廢而不懟故曰信陵忠臣也
以俠掩也然則何以竊符符不竊則魏師不出魏
師不出則趙必亡趙亡則魏從其後身數請王賓
客辯士說王萬端而不聽也將坐視魏亡乎全其
身以善其君古之入行之然則趙全之後何以不
卽歸魏魏王之忌信陵自其能探趙王陰事始矣
早歸而逢其怒必以矯令誅卽無誅而秦間早行
信陵必不將誰可以當秦者秦不伐魏魏王必無

祥符縣志

卷十八

記

男

迎信陵伐魏不急魏王亦必無迎信陵秦益急魏
魏益急信陵急而後任專任專而後得畢其長是
忠之術也若是非要君乎然秦兵却而未聞魏賞
有加也何要之有已却秦存趙使將將其軍歸魏
而獨與客留趙自言罪過以負於魏至今趙之君
臣口不忍言五城彼固知信陵正不負魏也非聲
音笑貌可假藉也是忠之符也然則何以飲醇酒
近婦人而死操土將軍之印諸侯將皆屬何有於
魏取臥內之兵符如探囊何有於王而終身北面

問津省不可問矣紀節於王公子房之一人名聲
弗忍問矣龍汴於寇亂決汴之一難明季事又常
是問矣人亦曷樂以其事傳後之人亦曷樂觀其
事慨名道哉獨是勢去矣積灰天壤身裂矣血
燐宿艸此浩漭生氣固森鬱於日星河嶽間而第
不安虞游魂於木主貞魂後之人曷以動盼望於
千百年此巡按蘇公臨畢之建祠於陳橋鎮用是
亟亟也謂如曰從古所謂生服其教歿喪其神者
其表章之如亦曰自今伊始節亦百世化亦百世

者諒有志焉廼整堂廡廼營門坊廼安室寢列三
於堂之午位有奉命而來遇難各盡者督撫十三
公而子房王公其右侍主於堂廡之側有守土藩
臺將領而不及邑都人士殞軀者幾三百位而李
建功蘇霞水張林宗次之嗟乎人而至於三百皆
以盡節遇難稱爲忠賢者尙忍問哉忠賢固無榮
乎以是名而後之人於是忠賢多君子又寧忍其
問乎如因灑泣而志之如鐘人也用黃袍之遺跡
嘗忻然曰有宋三百年文明之運於此焉故是也

國家開泰五十餘載廓清區宇覆育羣生上悟下
熙罔有內外豫居九州之中陰陽風雨之所和會
也

天子以腹心根本重地每惓惓厯念焉蠲賦免租賑
逮幽隱惟恐一夫不得其所視古帝王已饑已溺
之心無以加茲去年癸酉春汧奉

命填撫兩河早夜兢兢惟奉揚

廟堂德意是亟今年夏

天子軫念農田大申捕蝗之令守土諸臣殫力分驅
蝗旣衰息不能災歲則大有於時清宴載歌風行
草偃懷柔河嶽萬靈協休

天子於聽政之暇監觀往古念禹王當懷襄昏墊能
出其神智建萬世平成之烈今溥天率土尙宅爾
宅田爾田而不木處而顛土處而病也伊誰之賜
乎食其德而弗克章章其功而未有當謂崇報何
惟是大河南北伊洛瀍澗之間昔人所以流覽太
川追思明德蓋禹功雖無所不被而必以河洛爲

稱首崇其大也舉其要也遂乃祗肅

聖心觀麗

宸翰遣官賁捧至於大梁汧伏而祗念曰帝王相與
之際豈不在傳心哉心者何天也天視聽者何民
也天爲民而立之君君奉天而體之心堯以是傳
之舜舜以是傳之禹禹之後湯文武周歷世久遠
至孔子而集大成雖時異勢殊功施各出而與天
同體之心與民同患之意則曠千古如一也我
皇土聖神天縱遠邁百王敬天勤民無時少間方今

河伯效靈安瀾滙海而猶儆戒無虞其於捍患禦
菑之計靡不精詳非直與大禹之豐功駿業並垂
天壤哉惟其無殊故心與心相符而望古遙集也
若夫

天章絢爛具鸞迴鳳翥之勢備淵渟嶽峙之觀尤巨
古所未有宜乎官吏相與慶於署紳士相與誦於
城黎庶相與歌於野汧幸躬逢

盛典不勝忻忭乃亟與共事諸大吏進而議曰

主上有嘉命而弗克推廣謂之固

主上有隆禮而不知致崇謂之野野與固皆非所以
昭勸翼也遂各捐俸庀材飭工肇建

御書樓三楹爲尊奉

奎章之地其餘爲翼室爲左右个爲曲廊烏革翬飛
星羅霞布庶或可仰副

皇上嘉命隆禮之意於萬一乎旣落成諸大吏請恭
紀之石以識久遠汧敢陳其大畧如此遂作頌曰
聖績咸熙監古作則邁追肇造以爲民極地平天成
實惟禹力奠厥攸居九土是域坊罔不屆河洛孔

祥符縣志

卷八 記

寺

亟昭垂儉勤臣三承式於維我

皇宵衣旰食痾瘵民隱饑溺在矜誕崇往聖考建不
貳惟習其儀允符三德追念神功

天語軒特綵鳳騰賤靈虬吐墨守臣奉揚躐足勃色
欲隆芳軌遑恤嚴飭傑閣巍巍飛薨翼翼
宸藻雲輝歷禩千億

重修岳忠武王廟記

胡士梅

城南朱仙鎮宋岳忠武王駐師地也王之功莫大
於是故自廟祀之考愛邑志中載王廟初建於明

成化戊戌恢拓於明正德己巳其後之重新者益
屢屢矣向余令浚時聞人之稱王者咸曰武穆及
余聞明太史楊升菴公所記知方加忠愍旋議武
彥武穆爲王未竟之謚後世稱王者宜稱忠武因
述其說而扁於土之廟里之人咸知王爲忠武矣
今

上御極之十有七載里之人欲新王廟遂相率而祈
記於余余曰王之武功在靖康建炎時先戰於新
鄉捷於胙城廣德後勝於鄆城臨穎進穎昌以及

茲土王之忠在十二牌在兩字背在三字號皆炳
炳史冊閱博古家悉能言之而勒石於王之廟者
且彰彰耳目也亦奚事余之闡揚耶獨是王之爲
臣也忠於宋王之爲神也顯於歷朝遠不具論憶
余初抵汴日有事於鎮而謁王廟其二三父老即
有言明末流寇犯鎮王特著威靈廟里有產族狀
金鼓竟大作冠怖而去斯非王之靈也乎草明發
著者哉王之靈可以驅寇王之靈可以安民里
人之新王廟也其意在斯乎其意在斯乎余居而

有思於王之廟也爲王開國地則寃白時卽建於
鄂爲王墓所有則建於杭爲王父母邦則建於湯
陰其里之人皆有以祀之茲之所建則固王駐師
地也今之民非卽當日挽車載糧焚香以迎王軍
者之苗裔耶其新王廟也固其所也又不徒求庇
於王而後新王廟也余滯於宦途王廟之在鄂在
杭在湯陰者未獲常瞻禮其在茲者余以令浚及
典屯駐許昌往返於汴者則時謁之謁之而拜王
如見王之形也謁之而讀王詩咏王詞如見王之

心也余之膺衆請而爲記亦固其所也又豈必有媚於王而求王之庇之也耶工始於十三年之二月竣於十七年之十二月余素不嫻於文故直述其事以承諸石其倡工捐貲者例得書之碑陰

湧蓮菴免賦記

張俊哲

湧蓮菴古浚城南蘆花埕之淨境也埕距南薰門十五里菴居其北偏先是在青燐曰艸中曾少叅胡公典屯事因以建命僧人普照晨夕香火之且給地之蕪者三百畝俾墾以爲菴瞻僧綿力弗

盡今可施耒耜者計畝百有三十餘尙有待焉菴
南北衝僧往來繹繹也咸居食乎是菴歲所獲
尙不抵費加之賦稅僧當托鉢走矣余心惻者久
普照師東渤年已耄夙稱佛門龍象當道大人及
薦紳先生多與之遊而兵憲沈公尤禮焉以菴事
白例令知浚事者議余適攝邑奉大人命色喜以
大人命如余心也爰以免其賦立石垂諸久報大
人曰可僧卽徵余言永石思余西涼陳人也業儒
老暇閒讀西陵槎菴所紀梵音義釋如大通六漏

識次正及五十二見諸義與吾儒將無同迨奉
行來汴郡星輅所至凡琳宮貝宇咸流連不置日闕
其碑記寺皆有田之贍田皆無賦之擾耕獲所餘
悉以飯諸僧余未嘗不喟然歎曰是佛菩薩慈悲
心謹非吾夫子老安少懷之心耶昔文潞公欲結
十萬人緣如如居士讚公膽氣如天大家同上渡
船今菴當往來之交免其賦稅竭其畝之入而僧
之渴者待以飲饑者待以食奔馳者待以安息
且不止十萬人矣是佛菩薩慈悲心謂非吾夫子

老安少懷之心耶倘後之涖斯土者心佛菩薩
悲心卽心吾夫子老安少懷心守此勿變胥吏不
得進而舞亂之也是沈胡兩大人之心也夫是余
之心也夫是爲記

重修東嶽帝君廟記

秦維垣

廟建於後唐明宗時初在仁和門外沒於河至明
正統戊午重修於門之內卽今址閱景泰辛未廊
廡神像以次而具厥後周藩屢神其應時加修葺
崇貞壬午復爲河流所淤殿宇僅露鴟尾

興朝順治壬辰居民趙士芳劉文張應魁繆永壽李
忠德馬天行趙世虎李思愛王守志田高翟希文
不忍其跡之遂湮也相與出神像於泥土中爰約
貲鳩工繼有馬尙義申自友春彥趙堯貴募緣積
金且神威顯赫數有徵驗雖邨姬農婦咸樂趨事
以故迄庚子歲卽告竣共成大殿五楹東西間羅
殿各五楹上清炳靈殿各三楹太尉殿亦東西各
五楹寢殿五楹兩廊分司八十四楹二門五楹大
門五楹御厨演樂二司各三楹丹堊粧塑罔不畢

未果二三賢裔爲先靈失享惻僉告之繼守關中
席天雄錢二公各捐俸焉賢裔輩悉輸貲而祠成
余惟捐俸者重國典也輸貲者闡先猷也重
國典者忠闡先猷者孝是一舉而兩善備矣後之觀
是祠者其能無忠孝之感乎是爲記

重修漢壽亭侯碑記

毛際可

戊午里民修漢壽亭侯祠祈余爲記余謂大梁都
會之區其壇宇宮廟不載祀典者爲士君子所不
樂道際可乘傳而至虔謁將事自文廟社稷外惟

孟子遊梁書院及公祠而已夫孟子善養浩然之
氣而近世顏公之廟額者亦或舉以相擬蓋權位
勛業有時而窮惟氣之在天地間者所謂不依形
而立不恃力而行宜其與日星河嶽並峙不磨也
公不階尺土崎嶇戎馬之場却封於許拒婚於吳
固已氣吞兩國矣豈得以成敗論哉至史臣陳壽
謂公剛而自矜余又以爲不然方曹魏擅政士大
夫皆依違阿附習以成風見公之骯髒嚴毅不屑
與世浮沉遂以此短公差乎剛天德也原本於浩

然之氣聖賢豪傑所藉以常有千古者端在乎此
充壽之見必人人如華歆董昭輩然後可耶且以
武侯之才壽猶謂不長於將畧則其刺譏亦甚無
當也已余近作重修書院記復喜此祠之落成也
於是乎連類而書

重修大王廟碑記

毛際可

記曰四瀆視諸侯載在祀典由來尙矣顧江淮與
濟發源止數百里無奔瀆衝決之患惟是仕宦商
賈舟楫往來於疾風育雨怒鯨駭鱷之間往往籲

號禱賽刲牲醺酒庶不至覆溺而不可救若河則
出崑崙經積石下孟津至豫而爲患始劇伏秋之
際支流涌集壞廬舍灌井畝甚至爲運道梗關於
天家糧儲者甚大而其神爲最靈

聖天子懷柔不怠百廢俱舉歲時伏臘命有司致祭
維謹里民某等因廟貌漸圯重加修葺丹雘畫棟
堅緻輝煌工旣落成屬余爲記竊惟神以宋室遺
民效仲連蹈海之義其慷慨節烈薄雲貫日月不
奔走而尸祝者獨是防河諸務疏排濬濬不以

人力勝固神與人參焉者也而數年來則尤托命
於神蓋曩者巡河大吏下尺寸之檄則薪芻絲枲
課之田畝畚鍤力作課之丁徭可以咄嗟力辦卽
終歲奔走河干而民不敢言病近議者謂薪柳歸
之於官又值軍興旁午槩從節省河銀奏銷於司
空者尤朝核而夕減之有司無所措其手足卽如
客歲河衝常家寨受命修築余廣詢旁咨揆形度
務旣非人力之所能爲

朝廷必不能棄數萬之金錢於泥沙其勢不至於厲

民不止遂毅然以去就爭之事得終寢父老聞之
有流涕者而河亦終不至於爲害孰非神之相之
也哉今年夏謬以博學鴻辭應聘束裝就道筆墨
皆廢獨念神之功德在民不敢以不文辭也系之
以頌曰繫唯德水肇自崑崙凌濶淮濟震盪乾坤
束以積石如物司闢大伾而下土弱善崩蟻穴不
戒漏卮難捫有神司焉樞柄攸尊廟貌久廢金碧
皆昏鼠雀晝集狐兔晨蹲父老過之飲泣相存乃
謀修復高棟崇軒秋陳牲醴春薦蘋蘩以酬靈恩

在也百姓之糧車可再挽也所揭岳宇之旗可復
卓於三晉也堂堂正正何敵不摧何功不奏耶卽
吾不幸而死而趙鼎未亡韓劉諸將猶在天果悔
禍尙可繼吾而恢復則雖死之日猶生之年若一
不奉詔則君心疑我疑我而並及韓劉諸將賊檜
且得以一網打盡而恢復永無期矣是真吾死之
日矣於戲此正公之可與權也而柰何責以冒不
韙之典開專擅之漸至於進退狐疑身名交喪耶
乃班師之後兀术復遺檜書曰汝朝夕以和請而

岳某方爲河北圖不殺某何以和公因是竟死天
不祚宋柰何哉柰何哉此則國運爲之而非公之
不可與權也唯留此精忠大義凜凜萬古寒奸邪
之膽興頑懦之心所全不已多乎而又何責之有
明儒之持是說者不止虛齋先生一人虛齋先生
實敬公愛公而爲此過求之論然而其義稍偏且
其漸不可開也余故爲辨之如此

亦安保無疑之者心有所疑則氣必不振而河東
傑望風解體卽欲直抵黃龍府何可得哉何可得
哉斯時倉黃失據悔之晚矣不觀唐之郭汾陽李
臨淮乎郭公強兵勁卒俱歸部籍一紙徵之無不
就道以故讒謗無從而入臨淮擁兵不朝諸將田
神功等亦不復稟畏遂愧恨而卒由此論之去其
平日之所恃而以爲吾姑行權則雖孺號有屬衆
亦莫之信耳此卽利害之見不可以論聖賢然亦
何得不籌及之哉唯有奉詔班師乃出於至正至

大而亦萬全之策也明知賊檜此計匪特撤兵直
假以殺公何也吾召之而來也則解其兵柄徐搗
其隙而除之吾召之而不來也則加以惡名立正
其罪而誅之賊檜固籌之至熟十二金牌不來則
遣張樞密輩提一旅之師具檻車長鎖而至公其
敢與王師抗乎若其抗之則公真反也若其不抗
則又恨其不早也是唯束身還朝面見天子日將
兩河形勢唾手燕雲之策詳陳於黼座之前高宗
未必不悔且悟矣果悔且悟則吾之偏裨士馬固

祥符縣志卷之十九

藝文志

傳

明

金龍四大王傳

徐渭

王姓謝名緒宋會稽諸生晉太傅安之裔祖達父
某有兄三人曰紀曰綱曰統王最少行第四居錢
塘之安溪後隱金龍山白雲亭素有壯志宋鼎
將移每慷慨憤激甲戌秋八月大雨天日山濤王

會衆泣曰天目乃臨安之鎮茗水長流昔人稱爲
龍飛鳳舞今頽宋其危乎未幾宋鼎移王晝泣
語其徒曰吾將以死報國其徒泣曰先生之志果
難挽矣歿而不泯得伸素志將何求爲驗曰異日
黃河北流是予遂志之日也遂赴水死窈水勢高
丈餘洶洶若怒人咸異之尋得其尸葬金龍之麓
立祠于旁元末我太祖與元將蠻子海牙戰于呂
梁元師順流而下我師將潰太祖忽見空中有神
皮甲執纓繫腰腰間佩此龍圖錢於舟震動節

撼旌旗閃爍陰相協助元師大敗太祖篡之篡
夢一儒生披幃語曰余有宋曾稽謝緒也宋亡楚
水死行間相助用紆宿憤太祖嘉其忠義詔封爲
金龍四大王金龍者因其所葬地也四大王者因
其生時行列也自洪武迄今江淮河漢四瀆之間
屢著靈異商舶糧艘舳艫千里風高浪惡往來無
恙僉曰王賜敬奉弗懈各于河濱建廟以祀報賽
無虛日九月十七日爲其誕辰祭賽尤盛非王忠
義之氣昭昭耿耿光融顯赫而能然乎嗟夫宋社

既屋於今已數百年矣銅駝荆棘故宮茂草而王之神靈獨磊磊落落常在天地間生而忠義歿爲神明與文山疊山諸公並垂不朽可也宋末謝臯羽翽爲文丞相客丞相殉國臯羽每哭之慟竟死其忠義至今猶傳誦之王之忠義不減臯羽而姓氏湮沒行事尤不概見其敬畏而奉祀之者徒以其爲江河之神於風濤洶湧中死生呼吸仰其庇祐而然耳夫豈知其忠義而崇奉之歟余故表而出之俾奉祀者得有所考云

以宣哀者又何多讓焉倘太史採風吾
錄張氏以爲節烈者勸也

南明宋

祭禹廟文

謝惠連

謹遣左曹掾奉水土之羞敬薦夏帝之靈咨聖繼
天載誕英徽克明克哲知章知微運此宏謨卹彼
民憂身勞王岳形疲九州呱呱弗顧虔虔是欽物
貴尺璧我重寸陰乃錫元圭以告成功虞數旣改

夏德乃隆臨朝總政巡國觀風淹留稽嶺乃徂行
宮恭司皇役敬屬暉融神且畧薦乃昭其忠

宋

祭包孝肅文

王堯封

維神忠孝植倫嚴明蒞治正色朝端河清北瑞所
至興鋤閭羅竝茲監糴此邦廟廊實歸傳雖未詳
歷有載志今茲仲秋特陳醴饌英爽如存牖我
庇

祭岳忠武文

王堯封

兩間正氣一代精忠宋室南渡中原亂叢此
邦不祿盜賊遞攻經營克復實繫公功權奸搆陷
公且殞躬懷德景行追悼無窮中秋薦享憲雲並
從旣協崇報亦寫怨恫英靈如在庶我鑒憑
明

祭大河文

于謙

曩者河水爲患薄近城邑修築堤岸勞費財力建
祠妥靈水患乃息大雨時行民事當憂希神默相
降祉垂休隄防鞏固河道安流今特遣官祭以牲

醴誠意感孚災患消弭戴神之惠曷其有已

又祭大河文

于謙

惟神毓秀陰陽或流或峙成象在天成形在地相
順則爲生成相反則爲克制惟城惟隍以屏以蔽
祀典攸崇生民依庇茲者河水爲患民勞財費垂
成厥功乃值乖異水不由北而反南至意者或祀
缺于事神或冒犯乎禁忌今特遣官持醴以祭惟
神垂休除害興利北河則順導乎洪流南岸則增
崇乎地勢民無久勞事乃克濟萬古千秋戴神

惠

過朱僊鎮告岳王廟文

楊 漣

惟神萬古精忠兩間正氣高山仰止凡士而識字
將而枕戈者莫不凜愛死要錢之明訓以刻礪其
心烈日當空或忠而被謗直而蒙誣亦莫不引皇
天后土之忠言以陰祈一鑒如漣屋漏內省信知
無足比數于前賢而忠愛獨盟則不敢自同于末
俗萬歷四十八年當神祖賓天之後先帝不豫之
時今上未冊立及初登極之際一倡議鄭貴妃之

當移宮與當辭封后一力爭悍妃之不可以托付
少主與不可抗拒乾清總之非杜漸防微之公心
則尊主消釁之獨念也此一點血忱如爲官爲名
可以逃人耳目必不可欺神明鑒天啟四年見司
理太監魏忠賢與乳母客氏表裏爲奸太阿竊弄
卽帝子帝妃可以生死任情天語天憲可以喜怒
惟意日已無君漸豈可長此漣義不能忍聲罪糾
叅明知彼虎不可撩漣禍不可試祇以當日憑几
惓惓安可今日同人默默庶幾博浪一擊萬一宗

社有靈令忠賢稍知主僕之分不至謂外廷無人
漣亦可以盡此臣子忠心無但騙朝廷官做也不
意微誠不足濟事孤直反以厲階播惡同氣同鄉
削籍空國空署今且橫誣以烏有賊私竝指前移
宮事爲通王安罪案父子長途赤炎蒸背聞者見
者不免傷情漣則謂自古忠臣受禍者何獨漣一
人卽如忠武王何等功勲而莫須有竟殺忠良何
況么麼直言如漣此行定知不測自受已是甘心
但所恨者人借漣以結內外之歡因借忠賢以快

恩仇之報如劉一璟周嘉謨等之削籍如左光斗
魏大中等之鄉鎗徒傷明主手滑之威益亂祖宗
干政之制漣一身一家其何足道而國家大體大
勢所傷實多且恐積威所刦臣僚媚竈如趨而積
勢所成權奸騎虎不下九閭旣已雲深舉國盡爲
舌結氣運攸關有不忍言者惟是仰干神聖大顯
威靈默牖帝心少戢兇燄無枉陷無辜于羅織猶
少迴片照于蒙霾雖八千女鬼亂朝綱之識若氣
數有司而一轉冰霜成雨露之仁則惟神造化千

廟食知不忘憂國之心一寸蟻衷定俯鑒愛
之血至於漣之受誣原以甘心不辯但事在追賊
難論名節資斧已爲衆湊罄產不滿千餘何以成
不疑之長者將無累叔敖之子孫興言及此不免
痛心不敢不實訴於神也說者又謂此行已觸克
諫當更發揮一番漣恐累臣一疏想不能上聞而
天網四張亦難以理論徒取明主之褻更傷英斷
之明似不如聽之公道爲妥無已則有漣三閭大
夫初念極言票擬當歸閣臣用舍當聽銓部刑罰

當付法司中官必不可干預外政庶幾古人尸諫
之意少動時人忠義之心又未知有當于人臣之
義有濟於天下之事否也俱望尊神明賜一夢以
決行止瑣瑣冒瀆敢言附于忠義之下同而亟亟
呼搶實切於疾痛之上籲惟神宥其褻冒有以啟
之漣不勝滌心惶死待命之至

銘

六

朱文忠公

蘇軾

在鬼高邱其下爲誰惟魏烈士宋亥是依時惟布
衣不震不驚晉鄧在師孔嚴不孤進承其顧視如
豚豸昔其在途誰養其威鼓刀市人誰者畏之世
之勇夫殺人如蒿及其所難或失其刀惟是貧賤
無以自豪是謂真勇士之布衣其亦在養有或不
養臨事而恐惟是屠者其養可取

明

左儀賓遷葬志銘

李夢陽

左公諱夢麟字應瑞年四十宏治三年六月三日

病卒葬白塔兒原梨園中葬二十二年而爲正德
五年於是始徙於今墓云今墓去舊墓東北四百
步而近李夢陽曰嗚呼古不修墓乃余今忍銘我
外舅焉按左氏永新逢橋人也語曰逢橋八百左
而公會祖曰左東吳稱堂下派東吳生仁宏仁宏
生左輔是爲知州公知州公爲南道御史正統間
嘗有激劾之章謫炎方驛丞會喪其胡夫人乃更
娶崔夫人崔夫人以景泰二年五月七日生公炎
方驛丞數歲知州公起討氏知縣從舟行壘水荒

里許出不死天順五年河決大梁鎮平恭靖王如
尉氏見公以之歸爲其孫廣武郡君後六年誥授
公朝列大夫爲儀賓云恭靖王周定王第八子于
高皇帝爲庶孫而周定憲時儀賓最貴重與封疆
官分席而抗禮道逢則以鞭相揖及公爲儀賓乃
諸儀賓者業稍稍降矣公出猶張蓋駿馬見諸所
官悉如前定憲時諸所官不平也久之乃顧獨敬
重公以公才行故然公固美貌竒偉作詩善畫今
祿給不以時王孫貧者出或不能具驢車矧如儀

賓如我外舅行嗟嗟悲乎悲乎郡君父曰四鎮國
將軍溺佛燒丹四方諸以佛燒丹來率輒騙其金
資居無何將軍貧積負以萬數無能償而衆債家
輒又曰謹其門將軍泣欲尋死會公謁將軍出因
佯呼曰將軍死矣衆愕然欲散走公乃止之謂曰
若等自度將軍力能盡償汝乎且汝等必迫之使
死乃已邪衆業懼無敢言者公曰假如人償其半
能以全券見還乎衆皆喜諾謝曰願矣於是公乃
曰往貸諸豪富家緡諸豪富故雅重公乃無不願

與緡如其半數公又輒陰易絲絮布帛銅錫等品其值與債家因又勒其半三之一而卽以其一轉生息償前諸豪富家歲餘諸所負者皆平矣公病革起坐會氣絕將軍曰嗟我固謂吾兒爲佛也力主坐葬于是公有四子長曰國璿年十三歲次曰國璣年十一歲次曰國玉次曰國衡年各四歲以卑稚蓋成莫克成我公葬事公卒十四年而國璿卒葬之又八年國玉卒將葬國璣號哭向母曰君叩頭請曰夫葬者所以安體魄而棲靈神也乃我

父忍營營逮茲郡君哭曰嗟女夫謂何於是李夢
陽趨而進相向哭對曰禮也乃於是謀徙於今墓
塋用北首焉然公肌體完也髮鬚不脫落故衣衾
弗朽也是時郡君髮薺薺皤矣率其二子四男二
女暨厥壻厥女暨外孫環之哭嗚呼公詎知二十
年後如此哉父老往水退有人爭田邊我田公乃
置酒召爭者謂曰第捐其餘與我乃其人慚罷爭
亦不侵於我田卽今葬地云蓋左氏三世異墓曰

仁安者永新神公壇墓其彭夫人襄陽墓知州公

永新左方墓胡夫人炎方驛墓崔夫人尉氏墓惟
公墓今并葬其二子銘曰下不墊黃泉土不見首
日改而安之公以室

皇清

王烈女墓志銘

毛際可

烈女王氏名秀女開封府祥符人王碧少女也年
十七許字于之瑞子天祥未幾天祥死父母知烈
女至性匿不以聞將甚密議改適烈女始知之一
慟幾絕誓以身殉匍匐奔喪父母不能止遂與偕

往是日爲天祥小祥烈女出向所受聘陳之靈几
擗踊絕粒者二日父母促之歸烈女願留待舅姑
之端不得已令妻曰其臥起踰年瑞女適人
結髮與夫共事夫死無子天祥切責于陽武王姓已
死矣安能生孫瑞女遂孤就哺外戚烈女思自撫
養天祥同宗族親王堅不與烈女益失望適天祥
大難家多喪祭不食終日姑倦寢烈女夜起自經
是夕有大星隕於家黑白二氣自屋角間出久之
乃滅警夜者怪之及臨烈女死顏色如生

之瑞有刈麥刀二其一忽失去至是從烈女枕下
得之益信其死志非一日矣事聞奉旨旌表康
熙丁巳三月卜地於城南之新阡邑令毛際可爲
經理其葬事嗟乎近代歸震川先生有曰女未嫁
守貞非聖人之道余謂此固聖人所敬羨而不敢
以禁天下之中人故爲已嫁者律曰一與之醮終
身不改而未嫁者則不著爲令聽人之自行其意
余嘗尙論往事使泰伯而嗣父封伯夷而食周粟
皆不肯于聖人之道乃二人者必創古今未有之

奇以求其心之無憾而後止孔子亟稱述焉倘律
以震川之論將併議其爲賢智之過歟昔余曾叔
祖母章亦以處女稱未亡人坐臥小樓者四十年
詔旌其間余每過墓下必展拜欷歔而去今出宰
浚儀乃復再見烈女之事故不辭而爲之銘銘曰
梁上之組耶牀上之鐵耶吁嗟烈女何死之決耶
且詩書疇爲之稱說也○余旣弔烈女之墓其子
輅出拜因名列奏章王姓不能留仍爲烈女後故
也輅云兩年前燈下見烈女撫之曰汝讀書慎母

與舊輩競問所服則歛時故衣也輅幼性愿
碧及鄰里咸謂不誣或烈女靈爽不散有非恒
可測耶

跋

元

跋夷門市廛圖後

王惲

孫樵讀開元雜報至生恨不爲太平人豈聲名文
物矯首拭目聞可喜而觀可樂乎近閱夷門市廛
圖其風物氣習備見政和間流宕浮靡之俗然非

盛極無以臻此予生長汴梁及見百年遺老往往
尚能談當時風物令人不覺有孫氏之歎但二帝
播遷已兆朕於此所謂治亂之迹接踵相尋也畫
品則穠纖巧麗出內供奉手無疑正可與夢華錄
互爲之覽耳至元丙子二月觀於平陽寓舍夏六
月重見於汴京試院中明年夏六月立秋後一日
連雨中靜坐偶書於燕東開楊坊李黃門之故堂

賦

漢

習絲起被以紅冰濛濛若雨委雪高冠扁焉長劍
開焉左挾彈焉右執鞭焉日移樂哀遊觀西園芝
成宮闕枝葉榮茂選擇純熟挈取含直復取其次
顧賜從者於是從容安步闢鷄走兔俛仰釣射煎
熬炮炙極樂到暮若乃夫郊采桑之婦人兮袿襦
錯紆連袖方路摩馳長幾便娟數顧芳溫行來接
神連未結已諾不分縹緲進靖儼笑連便不可忍
視也於是婦人先彌曰春陽生兮萋萋不才子兮
心哀見嘉客兮不能歸桑萎蠶饑中人望奈何

晉

黃河賦

成公綏

覽百川之宏壯兮莫尚美於黃河
潛崑崙之峻極兮出積石之嵯峨
登龍門而南逝兮拂華陰與曲阿
凌砥柱而激湍兮踰洛汭而揚波
體委蛇於后土兮配靈漢於穹蒼
貫中夏之畿甸兮經朔北之遐荒
歷二周之北境兮流三晉之南鄉
秦自西而啟壤兮齊據東而畫疆
殷徙涉而永固衛遷濟而遂強
趙夾流而邯鄲魏羸川溝而威烈
思先哲之象

莫何水德之難量

南朝宋

雪賦

謝惠連

歲將暮時旣昏寒風積愁雲繁梁王不悅遊於苑
園廼置旨酒命賓友召鄒生延枚叟相如末至居
客之右俄而微霰零密雪下王廼歌北風於衛詩
咏南山於周雅授簡於司馬大夫曰抽子秘思騁
子妍辭侔色揣稱爲寡人賦之相如於是避席而
起逡巡而揖曰臣聞雪宮建于東國雪山峙於西

域岐昌發詠於來思姬滿申歌於黃竹曹風以麻
衣此邑楚謠以幽蘭儷曲盈尺則呈瑞於豐年袞
丈則表沴於陰德雪之時義遠矣哉請言其始若
迺元律窮巖氣升焦溪涸暘谷凝火井滅溫泉水
沸潭無涸炎風不興比戶墜扉裸壤垂繒於是河
海生雲朔漠飛沙連氛累靄揜日韜霞霰淅歷而
先集雪紛糅而遂多其爲狀也散漫交錯氛氲蕭
索藹藹浮浮漉漉奕奕聯翩飛灑徘徊委積始緣
薨而冒棟終開簾而入隙初便娟於墀無末繁盈

居肆以鼓鑪橐或鼓刀以屠狗彘又有醫無問之
珣玕會稽之竹箭華山之金石梁山之犀象霍山
之珠玉幽都之筋角赤山之文皮與夫沉沙棲陸
異域所至殊形妙狀目不給視無所不有不可殫
紀若夫帝居安麗人所未聞南有宣德北有拱宸
延亘五里百司雲屯兩觀門峙而竦立罽毼遐望
而相吞天河羣神之闕紫微太乙之宮擬法象於
穹昊敞閭闔而居至尊樸桶不斲素題不枿上圓
下方制爲明堂告朔朝歷頒宣憲章謂之大廟則

其中可以序昭穆謂之靈臺則其高可以觀氛祥
後宮則無非員無錄之女佞倖滑稽之臣陋甘泉
與楚宮繆延壽與阿房信無益於治道徒竭民而
怠荒故今上林僊籞不聞乎鳴蹕瓊甌歲久而苔
蒼其西則有寶閣靈沼巍峩泛灑繚以重垣防以
回隄雲屋連簷瓊欄壓墀池水則溶溶沄沄洋洋
湜湜涵潤汎漾瀟灑浩漾微風過之則瀾汎灩澦
漫散洄澍潺湲漣漪大風過之則汨湧拾漑瀟瀟
滂沱掀鼓漾溢不見津縻舞閭景以新竇美金碧

藝文

勾馥郁清芬其氣襲人土方欲與百姓同樂大開
 苑園凡黃屋之所息鸞輅之所駐皆得窮觀而極
 賞命有司無得彈劾也於是則有絕世之巧凝神
 之技悅人耳目使人忘疲是故宮旋室浮艫艦移
 也蛟螭蜿蜒于枕渡也城虎瞋鱗角舐戲也星流
 電掣弄光而揮劍也鸞悲鳳鳴織麗歌也鴻驚燕
 居綽約舞也霆震雷動鈞天作也犇羈駟騶羣馬
 闖也轡絢轅輪萬車轍也灋天翳日揚埽蓋也杭

海而朝夕舞乎滂湃掀萬石之巨轂比劫堂之
芥航艫不時而相值篙師颺拱而俟敗智者不敢
睥睨而興作綿千襪而爲害豈積患切病待聖人
而後除邪厥有建議導河通洛引宜木之清源塞
壁華之渾濁蹙廣隄而節暴紆直行而殺虐其流
舒舒經炎涼而靡凋於是自淮而南邦國之所仰
百姓之所輸金穀財帛歲時常調舳艫相銜千里
不絕越舠吳艫官艘賈舶閩謳楚語風帆雨楫聯
翩方載鉦鼓鎗銘人安以舒國賦應節若夫連營

神符縣志

卷十九

賦

天

百將帶甲萬伍控弦貫石動以千數其營則龍衛
神勇飛山雄武奉節拱聖忠靖宣効吐渾金吾擲
颺萬勝渤海廣備雲騎武肅材能蹶張力能挾輶
投石超距索鐵伸鉤水執鼉鼉陸拘羆貅異黨之
寇大邦之讐電驚雷擊莫不繫累而爲囚於是訓
以鸛鵒魚麗之形格敵擊刺之法剖微中虱貫牢
徹扎揮鉞擲鏃舉無虛發人則便捷器則犀利金
角丹漆脂膠竹木以時取之遴棄惡弱剖較革以
車函劍兕絡以爲目制以服以襄等二日工皆

磨鏤耐其成鑒銅而銀鑲楮之霜凝而電爍故
疆衝勁弩雲梯轡車修鍛延銳銘戈兌父繁弱之
弓肅慎之矢谿子之弩夫差之甲龜蛇之旄鳥隼
之旗軍事蚤正用戒不虞其次則有文昌之府分
省爲三列寺爲九殊監爲五左選爲文右選爲武
曰三十房二百餘案二十四部黜隋之陋更唐之
故補弊完鑄剔朽焚蠹人夥地溥事若織組滋廣
莫治疊疊成蠱纖弱不除將勝戕斧雖離婁之明
目逃簿書而莫覩豪胥倚文以鬻獄庸吏瘵官而

受侮各懷苟且以逃責孰肯長慮而却顧官有隱
事國有遺利紛訟黷於庭祀驚纍囚於囹圄此浮
彼沉甲可乙否操私議而軋沕各矛盾而齟齬於
是合于司之離散儼星羅於一字于梁負棟萬楹
鎮礎誅喬松以爲煤空奧山而斲楮官有常員取
雄材偉器者以充其數上維下制前按後覆譬如
長蛇挾其脊脊而首尾皆赴閭戶而議飛檄乎房
闔應荅乎秦楚披荒榛而成徑繹繳緡而得緒宗
善廢醜平險除穢穢悉不遺乎一羽於是官

式變亂易守者刑之所取貽之後昆永世作知
若儒宮千楹首善四方勾襟縫掖哀衣博帶盈
乎其中士之匿華鏐采者莫不拂巾衽褐彈冠結
綬空巖穴之幽邃出郡國之遐陋南金象齒文旄
羽翮世所罕見者皆傾囊鼓篋羅列而願售咸能
湛泳乎道實沛然攻堅而大叩先斯時也皇帝悼
道術之沉鬱患詁訓之荒繆諸子騰躡而相角羣
言駘蕩而莫守黨同伐異此妍彼醜挈俗學之蕪
穢詆淫辭而擊培滅窳窳之熒燭仰天庭而覩晝

同源共貫開天發蔀於是俊髦竝作賢才自厲造
門闔而臻壺奧騁辭源而馳辨固術藝之場仁義
之藪溫風扇和儒林發秀宸眷優渥皇辭結糾榮
名之所作慶賞之所誘應感而格駟行雉鳴磨鈍
爲利培薄爲厚魁梧卓行透鋒露穎不鑿而自就
復有佩玉之音籩豆之容絃歌之聲盈耳而溢目
錯陳而交奏煥爛乎唐虞之日雍容乎洙泗之風
跨百聖而再講曠千載而復覲又有稽學以議刑
制算學以窮九九舞象以道初階樂德樂語以教

世有成材茂德隨所取而咸有若夫會聖之宮是
爲原廟其制則般輸之所作其材則匠石之所掄
萬指舉則千夫運斤揮汗飛霧吁氣如雲鼙鼓弗
勝靡有諗勤赫赫大宇有若山踊而嶙峋下盤黃
壚上赴北辰藻珠廣寒黃帝之宮榮光休氣籠囀
往來葱葱鬱鬱而氤氲其內則檐櫨棖榱題栒檻楹
栢閤拱闌闥屏宇閤閭聳張矯踞龍征虎蹲延樓
跨空甬道接陳黜堊備臚燦爛詭文菱荷芙蕖之
流漫驚波迴連之瀾滅飛僊降真之縹緲翔鶴鵠

鷗之氤氲地必出奇土無藏珍球琳琅玕璠璣琬琰流黃丹沙玳瑁翡翠垂棘之璧照夜之蠙鵠象
鬐角割犀剡玉鏤刻雕鏤其妙無倫焜煌煥赫璀璨
錯輝映繁星有爛彤霞互照軒廡所繪功臣碩輔
書太常而銘鼎彝者環列而趨造龍章鳳姿瑰形
瑋貌文有伊周武有方召猶如蹇諤以立朝圖寧
社稷指斥利害踟躕四顧而不撓其殿則有天元
太始皇武儼極大定輝德熙文衍慶美成繼仁治
隆之名重曠隆準天日炳明皇帝步送百寮序選

九卿三公挾輔扶衡儀仗衛士填郭溢城于時黔
首飈集百作皆停地震嶽移波翻海傾足不得旋
耳不得聽神旣安止窮閭微巷惟聞咨嗟嘆異之
聲於是山壘房俎犧樽竹籩踐列於兩楹瞽史陳
辭宰祝行牲案芻豢之肥臞視物色之犁駢登降
裸獻百禮具成至於天運載周甲子新歷受朝萬
方大慶新闢于是再鼓聲絕按稍收鐃儼三衛與
五仗森戈矛與戈戟探平明而傳點趣校尉而唱
籍千官驚列以就次然後奏中嚴外辨也撞黃鐘

以啟樂合羽翮以如翼欣飛道駕以臨座千牛環
帝而屏息爐烟既升寶符莫瑞聆乾安之妙音仰
天顏而可覲羗夷束髮而蹈舞象胥通隔而傳譯
宣表章以上聞奏靈物之克斥羣臣乃進萬年之
觴上南山之壽太尉升奠尚食酌酒樂有嘉禾靈
芝和安慶雲舞有天下大定盛德升聞飲食衍衍
燔炙芬芬威儀孔攝而中度笑語不譁而有文故
無族譚錯立之闕失躡廣布武之紛紜蓋天子以
四海爲宅有百姓而善羣廷內不麗帶而丁寧刑

天下雲擾而絲焚故受玉而脩知晉惠之將卒執
幣以傲知若敖之不存聞樂而走者爲金奏之下
作雖美不食者爲犧象之出門賦湛露彤弓而武
子不敢荅奏肆夏大明而穆子不敢聞蓋禮樂之
一缺則示亂而昭昏是以宣王享士貴以殺蒸而
形三晉之法高祖因叔孫之制而知爲帝之尊豈
治朝之禮物尚或展翳而沉湮此所以舉隆典而
定彝倫者也其樂則有成池承雲九韶六英采齊
肆夏簫韶九成神農之瑟伏羲之琴僊氏之鐘無

句之磬鏗鏗鏗鏗和氣薰烝于以致祖考之格于
以廣先王之聲昔王道既弱惇風變澆樂器遭鄭
衛而毀矇瞽適秦楚而逃朝廷慢金石之雅正諸
侯受歌管之敖嘈文侯聽淫聲而忘倦桓子受齊
樂而輟朝季子始無譏於鄒仲尼乃忘味於韶故
使制度無考中聲浸消非細則擲非庫則高惟今
也求器得耕野之尺吹律有聽鳳之簫或灑或離
或鼓或馨或鏞或棖或筥或箏衆器俱舉八音孔
調鸞鷟離丹穴而來集鳴咽啾啾而舞修矚又有寶

旅巴渝之舞僦休遜觀之倡遠人面內而進技踰
山海而梯航故納之廟者周公所以廣其賜魯觀
之庭者安帝所以喜其來王若其四方之珍以時
修職取竭天產發窮人迹砥其遠邇陳之藝極厥
材竹木厥貨龜貝厥幣錦繡厥服絺綌游貢羽毛
祀貢祭物嬪貢絲枲物貢所出器貢金錫礪砥砮
丹鉛松怪石惟金三品惟土五色泗濱浮磬羽畎
夏翟龍馬千里神茅三脊方箱隋棠肆陳乎殿陛
豐苞廣匱亟傳乎騎驛連檣結軌川咽塗塞邪觝

祥符縣志

卷十九

賦

三

終歲而不息至於羗氏焚翟僊耳雕脚獸居鳥語
之國皆望日而趨累載而至懷名琛拽馴獸以致
於闕下者芻午乃有帛氈罽蘭于細布水晶琉
璃軻蟲蚌珠寶鑑洞膽神犀照浦山經所不記齊
國所不覩者如糞如壤軫積乎內府或致白雉於
越裳或得巨獒於西旅非威靈之遐暢孰能出瑰
竒於深阻蓋微外能率夷種來以修好則中土當
有聖人出而寧宇然皇帝不寶遠物不尚殊觀抵
金於漸巖之山沉玉於五湖之川洞邪之劍乃入

騎士之韜韜鄰之馬或服鼓車之轅至於乾象表
貺坤維薦祉靈物仍降嘉生屢起暈適背鏞紅霓
抱珥鳴星隕石怪颺變氣垂白鮐背者不知有之
况能言孺倪豈獨此而已也復有穹龜負圖龍馬
載文汾陽之鼎函德之芝肉角之獸簫聲之禽同
穎之才旅生之穀游郊栖庭克畦昌峙非烟非雲
蕭索輪囷映帶乎闕角葱蔚乎城壘鷺鳥不攫猛
獸不噬應圖合牒窮祥極瑞史不絕書歲有可紀
發微子於是言曰國家之有若是歟意者先生快

意於吻舌而及此耶先生曰國家之盛烏可究悉
雖有注河之辨折角之口終日危坐抵掌而譚猶
不能旣其萬一此特汴都之治迹耳子亦知夫所
以守此汴都之術古昔之所以興亡者乎客曰願
聞之先生曰繫此寰宇代狹代廣更張更弛黃帝
都涿鹿而是爲幽州少昊都窮桑乃今魯地伏羲
都陳帝嚳都亳堯都平陽乃若昊天而授人時舜
都蒲阪乃觀羣后而輯五瑞公劉處豳而兆王業
之所始太王徙邠以避狄人之所利文王作豐方

蒙難而稱仁武王之鎬復戎衣而致父蓋周有
下三百餘年而刑措不用及其衰也亦三百餘
而五霸更起星離豆割各據穀兵以專列彊侯協
帶於弱國不領人君之經費天下日蹙而日裂中
國所有者無幾當時權謀爲上雌雄相噬孰有長
距孰有利觜兵孰先選糧孰夙峙孰有翹關之卒
孰有憑軾之士孰有素德孰有疆倚孰欲報惠孰
欲雪恥或奉下邑以賂讐或舉連城而易器骸骨
布野介冑生蟻肘血丹輪馬鞍銷髀勢成莫格國

墟人鬼噫彼土宇凡幾吞而幾奪幾完而幾弛秦
中形勢之國加兵諸侯如高屋之建鍤水神臯天
邑以先得者爲上計其他或左據函谷右界褒斜
號爲百二之都東有成臯西有崤澠定爲王者之
里以至置春陵之俠客興泗上之健吏扼襟控咽
屏藩表裏據城池爲金湯役諸侯爲奴隸拓境斥
地輟輶荒裔東包蟠木西卷流沙北繞幽陵南褰
交趾厥後席治滋永泰心益侈或慢守以啟戎或
朋淫而招宄橫調無藝而垂竭游役不時而就寃

盧令曰縱而不繼鷺鵲厭觀而常值睚眦則覆尸
而血流淪浹則結纓而珮璲粉墨雜糅賢才逆曳
腫微豸豸而竊肉食賊臣迴穴而圖大器郡國制
節侯伯方軌或爲大尾而不掉或爲重腿而屢躓
室有丹楹城有百雉朝廷無用於揚燎冠冕不朞
於執贄天維披裂地軸杌隤羣生龔龔而珍瘁雖
有城池周以鄧林縈以天潢輿輦可以陟崇巘設
溺可以濟深水故武侯浮西河而下自哆其地而
進戒於吳起蓋稅政肆於廟堂之上則敵國起於

神符縣志

卷十九

賦

三

蕭牆之裏奚問左孟門而右太行左洞庭而右彭蠡發微子曰天命有德主此四方如輻之拱轂如桶之會極其硃輦者天與之昌其闕何者天與之亡且非易之所能壞亦非險之所能藏非愚之所能弱亦非賢之所能彊故將吞楚也白蛇首斷於大澤將繼劉也雄雉先雉於南陽龍漦出櫝而壓弧隱亡周之語募收襲門而天帝貽刑號之殛人力地利信不能偃植而支仆而皆聽乎彼蒼故鯨鯢勦解決一死於吻血兕虎鬣闕戕巍嶽爲

之用廟郊社稷百神之祀天子奉養羣臣稍
費以至五穀六牲魚鱉鳥獸闔國門而取足甲不
解纍刀不離韞秉鉞北陬而敵人奔幕抗旌西焚
而冉驪螳伏南蠻散徒黨而入質朝鮮畏蒞臨而
修睦解編髮而頂文弁削左衽而曳華服逆節躑
躅而取禍者折簡呼之而就戮眈眈帝居如森鋌
利鏃之外向死士逡巡而莫觸仁風冒於海隅頌
聲溢乎家塾伊昔天下阡危王猷失度皇綱解紐
嗥豺當路帝懷寶歷未知所付可受方國莫越藝

祖圖緯協期謳謠扇孺赤子雲望而風靡英雄益
趯而蠅附玉帛駿奔者萬國冠冕克塞乎寰宇絕
塞稅鎧而免鞅障壘熄燧而摧櫓拜檻神威有此
萬旅奕世載德茂聞過舉髮櫛禾耨子攜稚哺擊
菓懋穗拔惡鑒嫵鉋觚角之磬刻刑櫬槍而牧圉
爰暨皇帝粉飾朴質稱量纖矩錚錚奏廟之金玉
璨璨夾楹之簠簋訓典嚴密財本豐阜刑法糾虔

布施優裕田有願耕之農市有願藏之賈草竊還
業而歛跡大道四通而不剗車續馬連千百爲

肩輿摠載前卻而後阻搏壤歌嘏者萬井未聞歌
嘏而告瘡雖立墳爲界其誰敢櫛膊以批押况此
汴都者乎抑又有天下之壯客未嘗覩其輿也且
宋之初營是都也上睇天時下度地制中應人欲
測以聖智建以皇極基以賢傑限以法士垣以大
師屏以大邦扞以公侯城以宗子以義爲路以禮
爲門鍵鑰以柄開阨以權掃除以政周懷以恩乃
立室家以安吾君有庭其桓社稷臣也有榘其桷
衆材會也有闡孔張通厥明也有牖孔陽達厥聰

也其檻如衡前有憑也其壁如削後有據也其陛則崇正陵踐也其基則隆帝居中也邑都旣周宮室旣成於是上意自足乃駕六龍乘德輿先警蹕由黃道馳騁乎書林下觀乎學海百姓欣躍莫不從屬車之塵而前邁妙技皆作見者膽碎乃使力士提擊乎陰陽搏掄乎剛柔應手成器方圓敷碩或粉或由隨意所裁上方咀嚼乎道味斟酌乎聖澤而意猶未快又欲浮槎而上窮日月之盈昃尋天潢之流派操執北斗之柄按行二十八壘之次

公之袍收風伯之韞一瞬之間而甘澤霽
日幸於幽獄敷景雲而黜竊統攝陰機與帝唯
諾而無閤如此淫樂者十有七年疲而不止諫而
不改吾不知天王之用心但聞夫童子之歌曰孰
爲我已孰釐我載芒志凡有莫知其界客乃覩覩
然驚拳拳然謝曰非先生無以剖吾之矇藥吾之
曠臣不能究皇帝之盛德謹再拜而退

良獄賦

有序

李質

宣和四年夏五月良獄告成命小臣恭詣作古賦

以進臣俯伏惴慄懼學術荒陋不足以奉詔正衣
冠屏息竊誦宸製如日月照映至於經營終始與
其命名之義意備載奎文使執筆之臣徒震汗羅
伏辭其不能雖然臣之榮遇千載一時敢不祗若
休命于是虛心滌慮再拜稽首獻賦賦曰

偉茲岳之宏厚兮固磐基于坤軸跨穹隆之高標
兮俯萬象于林麓一氣肇其吞吐兮割陰陽于晦
豈信天造而地設兮行聖心之神欲相美利于良
維兮膺億載之假福允定命以匹休兮同閭閻之

宅陋周原之匪臧誠體國之有制擬形勢而辨方
伊岡聯與阜屬翼慶瑞兮綿長叩黃屋之非心融
至道以垂裳卽崇山之輿區翳曾鬱其蒼蒼紛川
澤之沮洳限江湖之渺茫層城與丹邱仍飈馭
之來翔鳴遼鶴之晝寂嘯巴猿于夜央靄烟霞之
超絕殆未邈乎康莊時萬幾之餘暇頓六轡以高
驤逸天步之轍跡給聖情而弗忘淖飛雲以川永
均草木之有光軒重闥之敞敞植梅李以沿岡挺

八仙之桂檜漲潤氣以疏香屹舞手之竒石導風
袂以前障仰奎文之聖述如震慄乎春雷兼虞商
之渾灝類雲漢之昭回蟻蝨之臣不敢久以伏讀
兮一再頌而心開燦八龍之神藻覺虎卧之煤埃
惟光明之絢練永作鎮于釣臺俄北行而少進驚
泛雪之虛闢屏分翠綠以雙抗兮沃泉中湛而凝
碧伊留雲與宿霧佐清致于瑤席飲酥面之瑤腴
貯風生于兩腋登和容于射圃懷弧矢之神威流

芳馨于素華且舒笑而忘歸撫跨雲之闌楯

之春華偃霜風之老檜跼鳳翼之歌劍
芸館豁凝思之雅堂備上臺之珍文若星燦而
章臣蓋聞赤縣神州之說方壺員嶠之言旣不周
之具載亦同紀于崑崙定洪荒之無考宜姑置而
勿論窮山川于疇昔效子長之飛騫登岱宗而佇
矚嘗歷井于天門瞻巍然之日觀視鳧繹之駿奔
維祝融之巨鎮鬱紫蓋之奇峯標赤城而霞起滴九
疑之翠濃觀羅浮與厓蕩望廬阜之橫空陟崧高
之峻極有二室之重巒森峩峩之太華若秀色之

祥符縣志

卷十九

賦

聖

可餐聳天平于林慮睇王屋之仙壇何諸山之環
異均賦美于一端豈若茲岳神模聖作總衆德而
大備富千巖兮萬壑何小臣之榮觀忽承召而駭
愕含華門之圭竇詣釣天之廣樂驚蓬心與蒿目
蕩胸次之煩濁欲粗窮其勝槩徒喙息乎林薄蜂
房櫛比視閭閻也垤蟻往來觀市人也縈紆如綫
貫汲流也布算縱橫俯阡陌也累塊積蘇羅層臺
也翺飛蚊聚聽輪跡也其體穹崇旁日月也其用
告專于變化也壘齋齋以電掃兮雲容容而

又謂黃水或淵而蛟龍生積土成山而風雲生皆
理之自然豈人力之所能蓋嘗觀雲氣之霽時
出沒而相仍作寰區之潤澤肇五穀之豐登沛爲
霖而復歛抱虛壁之層層舉茲山之盡美渠可得
而誦稱爾乃或遐矚以寄情或周覽而託興衆彩
迭耀臣目迷而不能得視羣籟互鳴臣耳惑而不
能得聽何神用之莫測使凡氣之無定品物流形
各正厥命如文王之在靈臺民樂其有德武王之

居鎬萬物不失其性豈若左太華而右褒斜爲長
楊之誇南丹冰而北紫淵爲上林之靡而已哉夫
昔唐堯訪四子于藐姑射之山周穆賓西王母于
瑤池之上是皆篤要妙而有輕天下之心務逸舉
而有和雲之唱蓋翠華之遠遊徒赤子之在望惟
吾皇之至神擴廣愛之遐想曾何遠乎九重
瀛之清賞得忠嘉之信臣協規制于明兩罄升
以爰謀念賢勞之鞅掌迄功成于九仞說見知于
天獎凡經營于六載之間而爲萬世無窮之矢

不廣載

艮嶽賦 有序

曹組

臣伏蒙宣示李質所進艮嶽賦命臣繼作臣才短學疎豈能仰副睿旨進退惶懼謹獻賦焉賦曰

客有遊輦轂之下以問于京師主人曰東北之隅地勢綿連岡陵秀深氣衆萬千不知何所而乃如此焉主人曰國家壽山子孫福地名曰艮岳客曰蓋聞五星在天五岳在地東有泰山甲子區宇下臨滄溟旁跨齊魯南有衡山祝融紫蓋湘潭爲址

九向九背西有太華三峯插天枕瞰函谷橫斜渭
川北則常山以限中夏大河朔漠襟帶其下中則
嵩高與天峻極襟帶河洛屏翰京國後見茲千中
都何前此而未識且山岳之大天造地設開闢之
初元氣凝結是豈人爲願聞其說主人曰清濁旣
分爰具陰陽播之大鈞孰爲主張是必造物區處
維綱今以一人之尊大統華夏宰制萬物而役使
羣衆阜成兆民而道濟天下夫惟不爲動心俾于
造化則茲岳之興固其所也而況水浮陸走天力

神曰凡動之沓來萬物之享上故適再閏而歲六
周星萬壑千巖芳菲丹青之寫圖障也客曰岳有
五焉今益其一在于五行數則差失主人曰客不
聞五行在天乃爲六氣君火以名相火以位寒暑
運行曾無越次矧此有形創于神智生生不窮悠
遠之義然則五岳視三公之官艮岳爲多男之地
乃其宜也夫何擬議客首肯久之曰吾見乎岳之
外矣吾聞乎岳之說矣獨有未詳孰知其中蓋禁
鑰十二皇居九重深嚴秘奧內外莫通願子陳其

次第庶幾因以形容主人唯唯曰其大則可以槩
舉其細則莫能縷陳唯乘輿有時臨幸雖山岳亦
類于庭廡請先陳其崑谷岡巒之體勢後狀其樓
觀臺池之處所皆聖作而神述盡宏規而傑矩夫
艮者八卦之列位岳者衆山之惣名高爲峯則秀
拔拱爲岫則崢嶸霽色晚靜風光曉凝陟崔嵬而
直上俯磴道以寬平雜花異香莫知其名佳木繁
蔭欣欣其榮唯特立于諸峯之右者乃主乎壽
之以南極之星所謂山者如此淺若龍龕深

或折局而可扣石磊磊以巉巖木森森而聳
則流澗雲蒸可卜以陰晴之候所謂洞者如此爲
山之屏爲洞之局承乎上則安若榱桷芘乎下則
覆若檐楹珍叢幽芳古木長藤籠絡蔽虧高低相
層鳥啼花發則春容淡蕩霜降木脫則石角稜嶒
所謂巖者如此兩山之間氣聚其中衆木斯茂泉
流暗通或重羅以迷晝或偃草而進風裊長春之
翠莖挺堅節之霜松每晨曦之照耀靄朝霧以空

濛所謂谷者如此又有岡則隱然而起勢連山谷
殊崒嶁之峯巒類縈紆之林麓白雪照夜則寒梅
盛開紅雲嬌春則仙桃極目恍若望十畝之銳萬
巖之秀橫石壁壘亘若岡阜旣艸木以敷榮復地
形之延袤迢迢大庾臨斷遐荒落落萬松得名錢
塘今移根于南北亦不限于炎涼至若溶溶大波
瀾爲巨派其流則小其合則大瑩上下之天光漑
深淺之湍瀨有巨魚以潛波扈龍舟而夾載岸容
萬柳春風柔柯飛花滿空長條拂波或趵景而移

權或鳴橈而笑歌此謂之江者回環山根縈帶
石淺以蕩谷深以凝碧潺湲不窮流衍漱激泛桃
花之露紅浮洞天之春色輕鷗文禽棲息其側荷
華不斷雲錦舒章或聚而爲曲沼或漲而爲橫塘
烟消露晞交翠低昂此之謂溪者夫山洞崑谷岡
嶺江溪旣畧陳矣子獨不見樓有絳霄朱欄倚空
跨晴雲之縹緲挂瑞日之瞳矐綺䟽凝霧天香散
風覺星辰之逼近如霄漢之穹隆招飛仙子蓬壺
揖素娥于蟾宮霓旌鶴馭稅駕其中又不見閣有

巢鳳異乎高岡豈丹穴之瑞應無雄構以翱翔卽
其軒楹架以傑閣芘五彩之鴛鴦下九霄之鸞鷟
因太平之象會廊廟之人置酒大嚼歸美逢辰續
夏日之句頌南風之薰其北也諸山之上衆木之
杪俯雲鶴之沉沉視烟霄之杳杳西瞻太行之時
霽東望海霞于清曉山龍從石嶙峋挹長風之回
玉宇導明月之湧冰輪齋心常比于崆峒精禱每
延乎上真見飄飄之仙馭隨裊裊之清芬視其
曰介亭有徘徊蒼松之前陳者也因山高下因

乙發寶書之秘藏徐遠砌而散步閒挾策而寓興
花雖芳而晝寂鳥雖啼而人靜效隱士之山堂取
逸人之三徑其榜曰書館豈蓬戶陳編之可屏者
也亭有勝筠周以美竹何禁籟之寶檻迸藍田之
叢玉已交戛而近砌復扶疎而出屋分月影之瑣
碎聽風聲之斷續遊塵不到清意自生目蒼雲之
翳翳面霜節之亭亭挺然不屈四時常青宸襟對
爽因以貺名其館曰蕭閒深庭邃宇來萬籟之清

風無九夏之劇暑棲寓懷之寶玩備宸章之毫楮
前橫江練傍列山莊或乘槎而上漢或喝石而爲
羊超然燕處真逍遙自適之鄉襍花爭妍紅紫相
鮮或引繩而爲徑或瀰望而成川錦繡照空而明
煥風露散曉而香傳肅然行列若羽林之萬騎粲
然豔粧如宮女之三千四時之候參差不齊異塵
埃之桃李襍紛蹂以成蹊斯號華林之苑見鏤玉
之珍題至若山莊竹籬蘿蔓蓊鬱睨緣筠之幽篁
夾修徑而高出俯以愛蒼苔之承步仰以見綠蘿

之蔽口軒亭欄檻各相方而榜名故扶晨
壑留雲凡所寓而不一晴波融融是爲雁
中之飛練接雲際之虹霓南山巍然而蒼翠北渚
湛若而連漪聽雖離之下集觀肅肅以高飛朝離
乎霜雪之野暮宿乎葭葦之湄惟恩波之可泳豈
隨陽之恨遲練以幽芳萼綠華堂何玉顏之炎淡
佇見竒姿之異常鄙江梅之尚紅陋臘梅之大黃
得天上碧桃之露掩薰爐清遠之香恍聖情而異
稟蒙天笑以增光故賜神仙之號濶珠戶而敞文

窻然而如此之類安能悉紀若夢遊仙彷彿而已
客曰予之所陳心存意識或欲周知何從而得主
人曰人問天下飛潛動植率存其中不可殫極姑
陳述乎二三而已奚累言于千百非若子虛上林
之誇大兩京三都之緣飾顧難狀于言詞徒克塞
于胸臆客曰姑置是事請質所疑何一隅之形勢
若千里之封圻主人笑曰嘻夫耳目之不際何可
以意測思慮之不至何可以強知望壺中者初不
察其天地遊武陵者亦豈意其有桃溪矧鄰邑

鳥獸澤洞幽冥則見凡若此者在昔徒聞於訃
未若今日之觀其盛美焉蓋由聖天子德備中和
建立皇極敦敘九族蕃育羣生之所致也臣儼獲
際嘉祥不勝慶幸謹拜手稽首而獻賦曰

維皇仁之溥博均覆載于兩儀揭日月于中天昭
運化之重熙九族翕以雍睦萬彙耀而增輝日越
裳與雕題皆稽顙乎赤墀天地氤氲川嶽鍾靈迺
產異獸魁然其形質皦皦而霜白文鬣鬣而雲蒸
日熒熒以夾鏡尾搖搖而叅身見周南之山谷乃

鵲巢之休徵從二虎以爲衛豈百獸而同羣不食
生物不折柔莖動則十里嘯則風生撲猱屏其醜
類麒麟協乎至仁息不蔭乎惡木渴不飲乎穢津
隱巖巒之烟霧遠林麓之煇塵於是虞人告祥喜
溢藩王爰命輕駕八鸞鏘鏘翠蓋葳蕤錦旂悠揚
綱縹長坂委蛇重岡陟險巖披蒙茸列羽騎騰飛
熊兔潛形於三窟猿罷嘯于孤峰風泛條而蕭瑟
月憑霄而朦朧徘徊四顧蹠蹠微蹤衆禽迴翔百
轉從願效奇于靈囿遂託身于顯融辭長林之

皇就廣路之豐隆羣邪爲之辟易壯士爲之
零乃獻金門乃陳丹陛王拜稽首天子萬歲天子
曰嘻惟王孝恭殿彼周邦光昭故封行通神明福
祿攸降故茲獸之時出其令德之所鍾王曰天子
爲天下君乃聖乃神乃武乃文功光祖考恩洽臣
民德至鳥獸澤洞幽冥和氣薰蒸坎北無垠惟以
和而召和故諸福之畢陳景星爛兮璀璨卿雲紛
兮輪菌禾異畝兮同穎麥兩岐兮並芬文禽青兕
重譯效珍赤隄白象萬里來馴矧茲獸之攸攸誓

聖化之所臻未儲精于至燭已垂象于蒼旻于以
昭至信揚德馨表聖知協義聲殆天以彰聖人文
明之治豈藩國之所敢勝況於是時器車出而芝
草生甘露降而醴泉盈角端見而長庚呈山嶽呼
翔鸞驚鳴與騶虞而並耀垂不朽於丹青彼林氏
之五色寶璧山與瑯琊徒傳聞於載籍嗟歲月兮
已賒孰若今之昭昭應寶祚之靈遐乃有詞臣載
筆鸞坡爰效詩人形之咏歌歌曰吁嗟騶虞兮
之貞撫不懼兮逼不驚黑章繞兮白毳現山古靈下

兮祥風興履澤地兮食不生叅二虎兮榮
用躬致兮欵大京收穆穆兮其儀貞鵠
聖化成千秋萬歲兮歌太平

皇清

日月光華賦

有序

王士俊

皇上御極之十有三年歲紀旃蒙單閼撫于五辰庶
績其凝爾時日躔胃維月軌青陸律中姑洗則陽
和旣渥而元亨嘉會矣乃於是月二十六日仰瞻
日輪之表五色重抱異彩疊環祥光飛動卿雲捧

藝文

護歷時辰巳午未之久又先於是月望日宵月凝
輝重輪煥采其色亦備五而浮金耀碧烟射戶牖
歷時戌亥子丑之久日華見於正晝月華見於夜
半不越旬日而同輝聯曜又並現中州之域豈陰
陽所和風雨所會

大庾

聖澤醞釀尤深歟抑地接

神京近光

果嶽公

天子而乾出嘉符坤流靈契尤炳炳而罕哉古靈王

如漢儒鄭康成所云季春之月日月命以瑞應又志以載陽之候疊徵於中州分野歟稽歷代志諸家瑞應之圖以及唐百官志禮部郎所掌悉紀大瑞名物六十有四焉上瑞名物二十有八焉中瑞名物三十有二焉下瑞名物十有二焉此固蕃釐首列介祉莫加者矣士俊方膺

寵命總制河東兼攝河南撫篆時開府汴梁敬率屬吏州民恭仰日華誌慶其月華則得之汝寧府守令牘報者蓋汝南又豫之最中也既已敬上賀章

請付史成昭茲來詩以示

聖德光昭

天子萬年之慶而忱惓懽忭未已復鞠臚珥筆敷陳

大美而賦之賦曰

粵自鴻濛溟滓肇啓

皇輿兩曜轉轂右闢左舒欲光噴景橐籥洪鑪朝翔

若木夕御金樞精凝霜兔氣孕駿島檀金六龍之

輦水晶七寶之都其尊也實稱天子

苞符恭逢

會集大業景

景運方隆陽春布渥戒周官兮保章候

爰於旣望祥開河洛爾時天朗氣清羣陰解一

華月華重輪照灼煥爛兮若山龍藻火之鮮明扈

疊兮若黼黻文章之交錯綢繆兮若泰元媼神之

盪摩紛綸兮若龍領鳳珠之噴薄象圓而中規兮

若天形之笠太極之圖氣純而無類兮若精金之

繩美珠之珞浮動於環中兮若北方夜半之沆瀣

東方暘爽之熹微拱護於環外兮若羣仙謁闕之

紫輶上帝端居之黃幄方其始升也非雲非烟輪

祥符縣志

卷十九

賦

五

困蕭索及其漸凝也如組如繡累跗疊累又其久
旺也積英積華乾包坤幙詢璇圖之奇瑞兮學士
未能詠歌實芸牒之神符兮詞臣或難揚摧况乎
時不浹辰地非千里既東倡而西和亦晝明而夜
起貫珠合璧循環不已月吐華兮真如不夜之城
日耀魄兮又似再中之世媧皇煉石兮呈五色之
孔多織女成章兮宣七襄之徧麗度或遲而或速
兮總見竝行道或赤而或黃兮方疑連軌察以玉
衡兮果孰短而孰長測以周髀兮將何同而何異

有喜必雙紀祥者二豈非

聖世洪庥中州盛事歟於是照靈源之龍馬含具
之雕雲羽蓋團圓兮仍合先天之象朱旄緯繡兮
聿成制字之文揚采熊熊映流虹於洛汭飛姿熠
熠掩繞電於河濱蓋以天開中土地拱

北辰櫟聞

畿輔雲近

禁宸是以應圖合牒握籙闡珍豈與夫東都神雀宋
郊素農潁川連理之木澗瀝比目之鱗得以並提

前後輕相等倫也哉於是

天子居清陽之右个舉

耕藉之三推祥風習習澍雨霽霽麥皆連穗桑無附
枝醴泉若釀甘露如飴獸含肉角禽號朱離九莖
瑞穀三秀靈芝虞鳴鱗介蟄起昆跂嘉祥沓至道
寶交施

帝乃穆然而深思終將固之又固之惟脩德者獲福
務小心以承禧而乃荆河惟豫屢昭盛美凡去
軻使臣節麾大吏紆朱拖紫之班章甫縫掖

祿首縹緖之軍石戶山農之子總總林林圓

趾熙熙皞皞華顛毀齒莫不軒衣張眉雜遝

以爲質之縹緖考之傳志日月之宮有氣必視在

上曰冠在下曰履在中曰纓在旁曰珥唯環曰抱

紅黃碧紫璧組葳蕤雲罕旖旎如繪丹青如展紈

綺焱焱炎炎離離綖綖凡現此形厥兆大喜昔者

日月光華歌於有虞帝舜之朝五色互呈見於少

昊金天之氏維我

皇上之德與兄日姊月同明

皇上之功合日域月崑並暨所以信而有徵大而非
侈矧矣

龍飛紀瑞由我豫始歟嘗會日月五星實豫分野而
今又踵其祥黃河符于載一清在豫亘綿而今又
協其祉更且克豫輔車齊魯尺咫歷下之慶雲非
遙寧陽之麒麟近是若相照而相輝亦一彼而一
此是宜對揚

聖麻書之信史凡我小臣橐管以俟循天保

彤墀之河東作賦之才深慚巴里又歌曰

雲物祥天明明兮日月光金支翠旂兮

聖人坐兮開明堂豫之士兮在中央告

帝圖兮福吾

皇四方來賀兮萬壽無疆藏之金鑲兮雅其有慶惟
其有慶公是以有章

華之地藏十洲三島之奇客又問曰蓋聞橘
生貉不踰汶今茲草木來自四方原莫知夫遠近
物理地宜請得而論主人曰天子神聖明堂頒制
視四海爲一家通天下爲一氣考其迹則車書渾
同究其理則南北無異故草木之至微不變根荄
于易地是豈資于人力蓋已默然運于天意故五
岳之設也天臨宇宙五岳之望也列于百神茲岳
之崇也作配萬壽彼以滋庶物之繁昌此以壯本
支之擢秀是知真人膺運非特役巨靈而驅五丁

自生民以來蓋未一有客恍然聞所未聞于是鼓
舞歡忻頌詠太平等乾坤之永久

明

騶虞賦

有序

胡儼

永樂二年九月丁未周王獻騶虞於朝休嘉之徵
其儀穆穆臣民聚觀莫不忻躍贊嘆臣儼謹按詩
序曰騶虞鵠巢之應也格物總論曰騶虞似虎白
質黑文不踐生芻不食生物日行千里人君有至
信之德則應之瑞應圖曰騶虞義獸也人君德至

既崛起以齒萃兮又盤互而深阻遠而望之則或
抗戾以分睽或附從而黨伍或跼然而仰或偃然
而俯或相蹲踞或相旁午迫而視之則或如躍龍
或如虓虎或若會同之冠冕或若隱繫之環堵或
引援而維持或參差而齟齬或名三奇或號太古
萬形千狀不可得而備舉也而又瑕石詭暉峒嶙
嶸巖靈壁之秀發于淮之北太湖之異來自江之
南伏犀抱犢紫金之峯凌雲透月瓊玉之巖遂根
拏而固結成聳翠之烟嵐植湘水之丹橘列洞庭

之黃柑盈待鳳之椅梧聳負霜之梗枏簣簞簞
櫛以森翠青綸紫莢蔚蔚而髣髴遂凌岑而跨
谷仰締構于其間虹梁并亘旅楹有間嘉玉鳥之
輝潤睇雲楣之爛斑臨飛陛之揭櫟森平波之汪
灣艤青漢投文竿却龍舟而弗御規就橋而處安
得元珠于赤水仰神聖之在宥推無爲于象先擴
堯仁之天覆且帝澤之旁流復上昭而下漏宜乎
異瑞殊祥駢至迭轆潛生沼之丹魚萃育藪之皓
獸神雀棲其林麒麟臻其囿屈軼茂而莫莢茲采

河縣志卷之二十

藝文志

詩

五言古詩

南朝宋

至梁城

顏延之

眇默軌路長
憔悴征戍勤
昔邁先祖師
今來後歸
軍振策
睠東路
傾側不及羣
息徒顧將夕
極望
陳分故國
多喬木
空城凝寒
雲曷爲久
遊客憂念

坐自殷

南朝陳

濟黃河

江總

蔥山淪外域鹽澤隱遐方
兩源分際遠九道派流長
未殫所聞見無待驗詞章
留連嗟太史惆悵踐黎陽
導波縈地節疏氣耿天潢
憫周沈用寶嘉晉肇爲梁

隋

奉和濟黃河應教

蕭穀

大皇帝室驂駕奉皇猷未明驅羽騎凌晨方

津城渡維錦岸柳夾緹油鐘聲颺別島旗影照
蒼流早光生劍服朝風起節樓滔滔細波動裔裔
輕舷浮迴橈避近磧放舳下前洲全疑上天漢不
異謁蓬邱望知雲氣合聽識水聲秋從君何等樂
喜從神仙遊

唐

太梁途中

儲光羲

怏怏步長道客行渺無端郊原欲下雪天地稜稜

寒當時每酣醉不覺行路難今日無酒錢悽惶向
誰歎

白淇涉黃河途中

高適

茫茫濁河注懷古臨河濱禹功本豁達漢跡方由
循坎德昔滂沱馮夷何不仁渤澥凌隄防東郡多
苦辛天子忽驚悼從官皆負薪畚築豈無謀祈禱
如有神宣房今安在高岸空嶙峋

暮行河堤

高適

暮行河堤上四顧不見人衰草際黃雲

大藩連帝室，驂駕奉皇猷。
未明驅羽騎，凌澗
舟津城。渡維錦岸柳，夾緹油。
鐘聲颺別韓，
蒼流早光生。劍服朝風起，節樓滔滔細波。
輕舷浮迴橈，避近磧。放舳下前洲，全疑上天漢。
不異謁蓬邱，望知雲氣合。聽識水聲秋，從君何等樂。
喜從神仙遊。

唐

大梁途中

儲光羲

快快步長道，客行渺無端。
郊原欲下雪，天地稜稜。

寒當時每酣醉不覺行路難今日無酒錢悽惶向
誰歎

白淇涉黃河途中

高適

茫茫濁河注懷古臨河濱禹功本豁達漢跡方由
循坎德昔滂沱馮夷何不仁渤澥凌隄防東郡多
苦辛天子忽驚悼從官皆負薪畚築豈無謀祈禱
如有神宣房今安在高岸空嶙峋

暮行河堤

韓愈

暮行河堤上四顧不見人衰草際黃雲感歎愁我

荒城臨殘日雞犬三四家豈復此阡陌但問新
麻頽垣下多穴所窟狐與蛇漢兵墮銅鑊青血爲
土花

自尉氏南至京皆水及人脛

前人

陸行畏水深舟行畏水淺河流去時闊塗潦歸時
踐事與時相違我慚行處蹇人生莫爲客爲客此
安免

汴渠

前人

我實山野人不識經濟宜聞歌汴渠勞謾綴汴渠

詩汴水源本清隨分黃河支濁流方已盛清派不
可推天王居大梁龍舉雲必隨設無通舟航百貨
當陸馳人肩牛騾驢定然無完皮苟欲東南蘇要
省聚歛爲兵衛詎能削乃須雄京師今來雖太平
盡罷未是時願循祖宗規勿益羣息之譬竭兩川
賦豈由此水施縱有三峽下率皆麓凡資慎莫尤
汴渠非渠取膏脂

朱亥墓

蘇軾

昔日朱公子雄豪不可追今來遊故國大塚稱屠

兒平日輕公相千金棄若遺梁人不好事名字寄
當時魯史盜齊豹求名誰復知慎無怨世俗猶不
遺仲尼

年駝岡閱馬

江復休

牧馬散近岡閱視乘高秋駝岡似涉苑堆阜帶川
洲坡陀故梁城縈薄西南陬連棚映林樾星羅倚
層邱回風吹陣雲奔騰歛來游野性脫羈馬飲罷
遂所求腹幹頗肥張鬱怒何彪貅羣毆驟麋鹿遶
勢凌蛟虬軍戎選輕健和鑾御調柔毛物有千名

衆美歸驂騮梁王愁思臺佛刹居上頭
竭來一憑眺遺墟莽悠悠信陵骨已朽
巖穴誰見收當時英雄輦事逐東波
流置酒臨風軒聊以紓煩憂

金

信陵館

陳升

寂寂

行路

人徑携一壺酒往酬公子墳墳科久已平其木
幾爲薪泉扉鎖長夜千載不復晨昔爲賢俊游
今爲

上塵青史終不滅義聲褫暴秦此日不足惜所

恐後無聞

元

早發黃河卽事

薩天錫

晨牽大河上曙色滿船頭
依依樹林出慘慘煙霧
收村墟雜雞犬門巷出羊牛
炊煙動茅屋秋稻上隴邱
嘗新未及試官租急徵求
兩河水平堤夜有盜賊憂
長安里中兒生長不識愁
朝馳五花馬暮脫千金裘
鬪雞五坊市酣歌最高樓
繡被夜中酒玉人坐更籌
豈知農家子力穡望有秋
裋褐常不

充糲食常不周醜婦有子女鳴機事耕疇上以充
國賦下以祀松楸去年築河防驅夫如驅囚人家
廢耕織嗷嗷齊東州飢餓半欲死驅之長河流河
源天上來趨下恠所由古人有善備鄙夫無良謀
我歌兩岸曲庶達公與侯淒風振枯槁短髮涼颼
颼

明

太梁懷古

劉基

昔有信陵君乃在大梁城親爲貴介弟位冠諸侯

未歇寶馬競香車輕塵蔽林樾憑欄周四望不覺
神超忽當年盛歌舞今々殘宮闕楊柳換新條向
人誇綠髮多情獨芳草淺處經羅襪春色自年年
高臺此律萃轉憶少陵翁題詩在石碣斯文共高
李聲名千載揭

汴水秋聲

興替非一姓春秋亦遞更無端汴河水多作可憐
聲高柳宛然碧斜陽時復明涼風一以起過客不
勝情昔聞引通渠東與淮泗并宋都最倚重輸輓

資神京市貨江海集驛路帆檣爭夾岸蒹葭霜客
舟猶夜行但趲煙月好景色忘淒清乃知人心異
頃刻炎涼生誰識此頽波昔曾繞宮城寒流暮
咽將無鳴不平

隋堤煙柳

隋煬亦巧計國勢料分携拚得江山盡風流此
堤至今堤上柳直接雷塘西煙水杳一碧草色同
萋萋錦帆昔遊幸楊花復低三千殿脚女舉棹
歌聲齊不唱采蓮曲樂府更新題絳仙但行樂

